

OBAVIJEST O ZAVRŠENIM RADOVIMA NA PROJEKTU „SANACIJA GUBITAKA NA VODOVODNOJ MREŽI U ULICI MEHMEDA SPAHE I DIO SAMOSTANSKE“

Javno komunalno preduzeće „Šćona“ d.o.o. Fojnica uspješno je realizovalo projekat pod nazivom „Sanacija gubitaka na vodovodnoj mreži u ulici Mehmeda Spahe i dio Samostanske“, čime je napravljen još jedan važan korak na unapređenju vodovodnog sistema i zaštite okoliša.

Nosilac projekta bilo je Javno komunalno preduzeće „Šćona“ d.o.o. Fojnica, dok je partner u projektu bila firma VH Gradnja d.o.o. Fojnica. Projekat je finansiran od strane **Fonda za zaštitu okoliša Federacije BiH**, koji je prepoznao značaj ove investicije za smanjenje gubitaka pitke vode i poboljšanje ekoloških standarda u općini Fojnica.

Cilj navedenog projekta bio je zamjena zastarjelih asbestno-cementnih cijevi novim, savremenim materijalima, kao i smanjenje gubitaka vode na vodovodnoj mreži. Na ovaj način je poboljšana pouzdanost sistema, smanjeni su tehnički gubici, te osigurano stabilnije i sigurnije snabdijevanje građana pitkom vodom.

Ukupna vrijednost projekta iznosila je **158.983,77 KM**, dok je Fond za zaštitu okoliša FBiH učestvovao sa iznosom od **80.000,00 KM**. Radovi su uspješno završeni u oktobru 2025. godine.

Ovim projektom Javno komunalno preduzeće „Šćona“ d.o.o. Fojnica potvrđuje svoju posvećenost modernizaciji komunalne infrastrukture i zaštiti okoliša, s ciljem pružanja kvalitetnijih usluga građanima i racionalnog korištenja prirodnih resursa.

Za dodatne informacije o projektu možete kontaktirati:

Konjicija Almir, ing.grad.

Mob: 061/477-433

Ovaj projekat je sufinansirao Fond za zaštitu okoliša Federacije Bosne i Hercegovine (FZOFBiH).

Sadržaj ove publikacije isključiva je odgovornost Javnog komunalnog preduzeća „Šćona“ d.o.o. Fojnica i ne predstavlja nužno stav Fonda za zaštitu okoliša FBiH.

www.fzofbih.org.ba